

自立為邛穀王

師古曰枚根太守之姓名

會莽敗漢興誅貴復舊號

云

師古曰此漢興者謂光武中興也

南粵王趙佗真定人也

師古曰真定本趙國之縣也佗音徒何反

秦并天下

略定揚粵

師古曰本揚州之分故云揚粵

置桂林南海象郡以適徙民

與粵雜處

師古曰適讀曰謫謫有罪者徙之於越地與其土人雜居

十三歲至二世

時南海尉任囂病且死

師古曰囂音敖

召龍川令趙佗

師古曰龍川南

海之縣也即今之循州

語曰聞陳勝等作亂豪傑叛秦相立南海

辟遠恐盜兵侵此

師古曰辟讀曰僻

吾欲興兵絕新道

師古曰秦所開

越道也

自備待諸侯變會疾甚且番禺負山險阻

師古曰負背也

南北東西數千里頗有中國人相輔此亦一州之主可